

石村貞一  
纂輯

續  
皇朝史略

七

福岡第一師範學校  
(學校圖書)

|     |     |        |
|-----|-----|--------|
| 分類號 | 第   | 號      |
| 歷史部 | 門   |        |
| 日本史 | 部   |        |
| 總記  | 總記  | 部      |
| 叢書  | 日   | 次      |
| 全   | 冊/分 | 冊      |
| 分類號 | 第   | 號      |
|     |     | 210.48 |

|   |   |
|---|---|
| 入 | 目 |
| 番 | 七 |
| 号 |   |
| 八 |   |
| 段 |   |

T1A1  
26  
A 58

圖書 和圖書 逆



福岡教育大学蔵書

續續皇朝史畧卷之七

長門  
桐陰石村貞一纂輯

攝津 錦水小川徳治校正

今上天皇諱睦仁先帝第一皇子也母新宰相局慶

子前大納言藤原忠能之女萬延元年九月立為皇

太子慶應三年春正月踐祚時年十六  
御譜謚先帝曰

孝明天皇葬泉涌寺後山稱後月輪東山陵

以關白左大臣齊敬攝政右大臣公純內大臣忠房

如故○詔以大喪免有柩川宮燾仁以下公卿幽禁

[illegible]

期間内に返しましょう  
福岡教育大学附属図書館

近世史畧○夏四月伊達宗城島津久光入京師松平慶

永山內容堂鍋島開叟踵至既而容堂以疾就國○

五月詔開兵庫港條約書留先是英米佛蘭國公使等至

大阪賀將軍禪代且促開港慶喜奏請曰既結條約

開三港而獨於兵庫一港忽失信於各國臣竊為聖

朝愧之仰望彼既許之約新允兵庫之乞疏入朝議

以其為先朝所禁不敢輕決大令天下諮詢列藩列

藩多可之者終允之近事紀畧○秋八月慶喜為內大臣

武鑑○九月山內容堂上疏幕府曰中古以還武門握

政權雖鎮海內洋舶來航以來物議紛紛東攻西擊

內訌未戢是無他政令出二途也今也時勢一變不

可復墨守舊規宜歸政柄於王室以立萬國並立之

基是今日之急務而容堂之至願也請幕下熟計之

因使其臣寺村左膳後藤象二郎等具陳其意時淺

野茂長亦上疏說以大義因勸解其政柄近世史畧○冬

十月十五日詔聽將軍慶喜辭職先是慶喜大會列

藩群臣於二條城以歸政奏案示之諮詢意見譜第

將士等意頗狐疑而薩藩小松帶刀土藩後藤象二

郎備前藩牧野權六郎宇和島藩都筑莊藏等同聲

德應之衆既退慶喜特留帶刀等命坐縱論之議遂

決具疏奏之記事朝廷議將軍奏事幕吏與關白齊

敬通謀內外沮之公卿及薩土諸藩皆議曰天下將

定於一而廷議不斷坐失事機遂大論之至是許之

續國史因詔召列藩會議新政蒙召者凡五十餘藩

德川慶勝松平慶永嵩津茂久山內容堂伊達宗城

等相踵入京師○遣宣命使權大納言藤原資宗於

後月輪東山陵告朝政復古記事○十一月詔德川

紀畧

慶勝松平慶永建白時務先是慶喜辭職也慶勝

身在親藩扶翼無狀自効奏辭官爵廷議稱其積勞

優獎不聽至是二侯勤王之志益固記事○十二月

八日朝廷召德川慶喜以下諸有司及在京諸侯慶

喜及諸有司等稱疾不朝慶勝慶永以下皆朝朝議

遂決防長處分復毛利慶親父子及支族官位許其

入京復三條實美以下五卿及故錦小路賴德官爵

獨澤宣禧以不審其所在不與焉命物色之既而出

來即復其官爵記事九日詔黜尹官尊融罷齊敬攝

紀畧

關免容保定敬職罷其九門宿衛令薩土藝諸藩代  
之廢攝關幕府及議奏傳奏守護職所司代權置總  
裁議定參與三職以有極川親王熾仁為總裁以三  
條實美岩倉具視中山忠愛正親町實愛等為議定  
以小松帶刀後藤象二郎木戶準一郎廣澤兵助等  
為參與以綜政治詔曰自今以往大小政令自朝廷  
出四方其體之是日容保定敬等皆入二條城不復  
歸邸雲上使覽布達  
留近世事情○十一日長藩毛利內訥等率  
兵八百入京師初內訥等在兵庫時朝廷方許其入

京藝藩傳命於是進抵山崎關時津藩守之守吏不  
悉朝旨因閉禁之既而事釋內訥等入京師詔宿衛  
新在家門尋五卿亦歸朝近世史畧○十二日夜德川慶  
喜遽下大阪容保定敬及譜第將士皆從焉獨井伊  
直憲稱疾留京師先是慶喜大不平以為近日朝議  
非出於聖斷必有奸臣謀私者也乃勒兵備不虞諸  
藩爭關者亦爭戒嚴狀如對壘慶勝慶永憂之數入  
二條城面諭慶喜慶喜首肯容保定敬頗激動之慶  
喜不動至是稱鎮臣下暴動留書於朝南走其舉止

非常朝廷大疑之詔禁容保定敬入京近事○議定  
參與議曰德川氏既解政柄則軍國資用宜課諸其  
管地宜以慶喜列議定職乃詔慶勝慶永遣大阪慶  
勝等傳朝旨且曰宗家輕騎入京僕等萬保其無虞  
苟有戒心出二藩衆護之慶喜陽應曰諾二公復命  
近世先是酒井忠發巡警江戶處士數百人潛匿薩  
邸乘夜劫略富戶又銃擊酒井營巡兵以幕命逼薩  
邸使其徒不冒因縱火殺獲自是德川島津相仇  
視至是慶喜奏薩人寇抄狀請斥其藩士參朝政者

不省

續國史  
畧後編

○明治元年春正月三日德川慶喜以

兵三萬抵伏見鳥羽官軍擊却之先是譜第諸將說  
慶喜曰尾越之言不可輒信此行在清君側臣等以  
死衛之慶喜領之乃理裝以容保定敬為先驅佐久  
間近江久保田備前等率三兵隊從之高松濱田諸  
藩為之應援事聞京師朝廷乃命薩長二藩扼伏見  
鳥羽二關以備不虞隊將伊地知正治山田顯義等  
臨發請曰如有非關而過者願得詔旨以處之乃詔  
曰不許德川慶喜帥大兵來如會衆則固禁其入京

若不用命便宜從事正治等即以兵六千餘出守二關至是賊軍逼二關將排關而過戍兵發巨砲扞之賊軍應戰彈丸雨注會伏見火起賊軍自二道進官軍力拒互有死傷日暮交綏夜官軍謀知賊軍傳餐鳥羽囊之賊軍敗走會其別軍來援敗兵反戰官軍隊長市木大山後藤等奮戰破之遂死四日再戰二道隊將山田孫一等督衆奮戰時總督仁和寺純仁擊錦旗而進官軍大振衆勢衝賊軍賊軍大潰踰屍而走賊將迫江備前等數十人死之官軍亦多死傷

兩島羽火起賊軍退入淀五日昧爽官軍攻淀賊伏槍隊於蘆葦中挑戰官軍知有伏不進隊將石川厚狹介曰視危苟避不勇士也乃挺前當之衆亦踵進伏起左右銳手亦奮至厚狹介及伊東某中嶋某等死之伊集院金十郎等咄嗟勸衆而進大破之賊軍欲掘淀城城兵拒而不納乃次城外退扼橋本六日官軍攻橋本遣使說淀藩淀藩具陳拒賊狀請歸順乃以浚兵為先鋒戰方酣津藩兵自山崎橫砲擊賊軍大亂初津藩為德川氏守山崎勅使至諭以順逆

乃奉詔而賊兵未之知也至是賊軍驚潰皆東走慶

喜容保定敬等亦倉皇來回陽艦東走長兵尾擊抵

大阪將收城德川監察妻木多宮納城而去近世史

○總督宮純仁進抵大阪觀兵於近畿遣使問罪高

松以下諸藩皆降先是彦根大垣諸藩悉歸順至是

近畿關西盡服國史○詔削慶喜以下官爵令四方

聲其罔大朝抗錦旗罪大起征東師以有栖川親王

熾仁任征東總督授錦旗節刀令各國公使曰日本

國內東西師起勿援東西勿鬻兵器又曰自今以京

師為我政府公使等奉命建局外中立之約近世事情

二月詔分八局為總裁神祇內國外國軍防會計刑

法制度各治事務定大中小藩四十萬石以上為大

藩十萬石以上為中藩一萬石以上為小藩置徵士

貢士職官表○土藩士銃佛國夫卒十六人於界浦有

死傷者先是備前人亦要殺佛人於神戶佛公使大

怒以五難事逼政府政府立決四事尋逮土備人十

六名近世史○外國事務官東久世通禧伊達宗

城抵大阪告外國公使曰我政府新置外國事務局



命吾儕掌之自今當相協議且我天皇欲見公使於  
京師卿等其領之雲上便覽○三月英米佛蘭諸公  
使人朝天皇引見之賜以優禮公使悅服皆呼萬歲  
而出紀事○參與大久保利通上奏其畧曰平安僻  
在一方不足以擴張聖謨今日急務在建行宮於大  
阪遷都以一洗宿弊也朝議嘉納之史畧○詔撤諸  
道舊榜更揭新令以二條城為太政官代裁決庶政  
天皇幸馬會公卿諸侯誓曰廣詢集議機務決於公  
論賴天地之公道求知識於寰宇以振皇基尋策問

開蝦夷議

大政官

○梓行政府日誌頒布天下使衆

庶知政體

○天皇幸大阪觀海軍行在既而諸道官

軍集於京師總督宮熾仁帥薩摩長門紀伊備前肥

後因幡佐土原大村龜山水口等諸藩兵自海道督

將岩倉具視帥薩長因別軍及土佐大垣藩兵自山

道警聞江戶德川臣屬等日夜議守備先是紀尾二

藩各結黨欲援宗家慶勝憂之下大義減親之令賜

渡部新左柳原勘解由石川內藏允等十三人死視

鈴木丹後成瀬豐前等十七人秩自餘黜罰有差於

是一藩始知方向而紀藩士在東者猶與德川臣屬  
通謀欲勸慶喜為攻守計時慶喜蔡順獨召勝安芳  
大久保一翁等謀鎮之遂出城屏居寬永寺衆益不  
懌聚兵編隊走甲野之間會山道官軍因土兵自信  
濃進徇甲府甲府城兵與脫徒築砦於勝沼以抗官  
軍土佐兵排關擣其背賊縱火聚落官軍沮蹙因土  
別隊登山左右合擊大破之斬獲略殲使松代藩守  
甲府而向江戶時薩長大垣兵攻忍城拔之督將岩  
倉具視率諸軍抵板橋總督宮熾仁至駿府輪王寺

宮慈性與執當覺王院偕來駿府為慶喜請哀和宮  
天璋院各馳使於海道頂背相望而海道先鋒至品  
川勝安芳來見參謀西鄉隆盛具陳慶喜蔡順狀請  
弭征師隆盛徵謝罪表信安芳奉命於是督府會議  
止攻擊置諸道軍於江戶戍之

太政官日誌  
近世史畧

○四月

四日勅使侍從柳原光愛入江戶城國史要田安慶賴  
等開門迎謁光愛宣詔曰宜獻江戶城及軍艦兵器  
曰假慶喜死一等宜屏居水戶慶賴奉詔致城而去  
慶喜乃徙水戶先是大鳥圭介古屋作左秋月登助

等橫行總野之間說諸侯諸侯皆脅從之結城城主  
水野勝任亦應之其臣小幡兵馬等唱義奉嗣子逐  
勝任既而勝任誘賊薄城殺兵馬等而入嗣子走投  
官軍賊衆勢逼宇津宮時彥根兵在宇都宮於是報  
急板橋參謀香川敬藏與薩將有馬藤太長將祖式  
金八上將上田楠次等急襲賊別軍於流山破之獲  
賊將近藤勇斬之徇軍門醢首送京師梟四條磧衆  
勝攻結城城兵擁勝任棄城走金八拋之敬藏等至  
宇都宮既而圭介等襲結城陷之金八走投宇都宮

與敬藏等以彥根大垣館林笠間兵擊賊於小山彥  
根將青木貞兵等死之秋月登助上方歲三襲宇都  
宮官軍逆擊城外圭介自鹿沼來橫擊之會津兵亦  
自三王嶺來縱火城下官軍苦戰不支棄城而走城  
主戶田忠恕投館林賊畧城地先是板倉勝靜因彥  
根降在城中賊遂奪之既而薩長土因大垣兵與近  
傍諸藩歸順者合攻宇都宮賊逆擊之安塚分兵擣  
薩垣軍後彈丸如雨薩垣別軍來援夾擊破之賊卻  
入城官軍環攻之賊在山上者橫擊官軍官軍多死

因將河田佐久馬怒曰幕雨流賊多殪我良及日未  
沒殲賊取城諸君努力勵衆登城殲賊亡算賊軍辟  
易衝圍而走官軍復城賊圭介等屯日光山傍官軍  
擊敗之遂走會津古屋作左襲飯山放火城下城兵  
苦戰卻之鎮將府日誌○是月天皇還幸京師○詔  
謚贈三位楠正成神狹築社壇是為湊川神社官幣社  
考證○四月詔廢三職八局更置議政行政神祇  
會計軍務外國刑法新官設官等九三等以上為勅  
任五等以上為奏任六等以下為判任置京都府官職

表○賊襲八幡貝塚官軍擊走之先是德川臣屬拔  
木更津盛時糧仗向舩橋總督宮熾仁命諸藩擊之  
備前兵軍八幡津兵軍貝塚筑前兵軍行德佐土原  
兵軍鎌谷以備之黎明賊來襲備津軍大敗佐土原  
兵來援賊迎擊之官軍伏麥畦狙擊殲賊無數殘兵  
四走與牙兵合略八幡貝塚而傳餐舩橋佐土原兵  
謀知之自三道夾擊之備津兵反戰筑前兵亦來擊  
放火舩橋蹙之賊遂潰走後三日上總悉平鎮將府  
世史○關東監察使三條實美抵江戶宣詔召田安

龜之助紹宗家後尋賜駿遠與羽地七十萬石江城日誌  
○賊襲白川城城兵不支火城而走賊入城中奪兵  
仗糧食會津將田中左內以兵三百來援賊官軍設  
伏破之追躡至板室放火聚落人太田原城賊收敗  
兵而退○征會督將九條道孝醍醐忠順澤為量帥  
薩長二藩兵抵奧羽指揮東北諸藩為量在秋田道  
孝忠順去仙臺參謀世良修藏大山捨之助從之伊  
達慶邦與上杉齊憲會庄內南部二本松三春等二  
十餘藩里臣於白石城同盟連署以請恕容保罪道

孝欲許之世良修藏曰渠若悔非諭誠則宜納城地  
兵仗以衣其實而今盛修守備侵掠鄰境敢抗王師  
而乞哀請罪之實何在乃詰慶邦以下同盟者卻其  
書賊徒恣闇殺修藏連衡以援會津衛士擁道孝忠  
順投秋田遣使報急江戶詔削慶邦齊憲等官爵時  
既官軍分道向會津薩長加賀尾張越前松代松本  
諸藩自越後薩長別軍及忍大垣諸藩自白川進仙  
臺棚倉出兵援白川官軍攻白川不利詔令因備大  
村柳川佐土原笠間兵援之○五月朔官軍襲白川

棚倉系雷戰皆死一隊三十六人生者僅六人官軍  
衆勝倉入殘兵棄城走此役斬獲六百餘人白川與  
羽要衝途通八方先扼之攻守兩便故先爭之後賊  
數襲之遂不能拔史世○十五日官軍討東台賊殲  
之初慶喜之納城地兵仗也臣屬扼寬永寺稱彰義  
隊欲擁隔王寺宮慈性以舉兵執當覺王院慈應之  
而會建江內諸藩為之聲援其勢益張其徒偃蹇亡  
賴帶長劍着高履遇官軍於途則或罵詈或刺殺官  
軍憤滿奏請討之總督官詔德川龜之助卻之隊兵

等不肯退欲使慈性諭之覺王院沮之乃詔討之軍  
務長村益次郎部署所向肥後薩摩因幡兵自湯  
島長門北前筑後大村佐土原兵自本鄉而備前阿  
波尾張紀伊安藝筑前津兵各有所向賊兵聞之數  
百人衆夜脫走黎明官軍圍東台發巨砲破黑門賊  
軍辟易官軍攀樹仰攻山王山賊退扼伽藍官軍縱  
火燬之賊兵大沮喪覺王院奉慈性以身免官軍自  
根津圍子阪尾擊殲之遣問罪師于小田原先是林  
昌之助以兵數百扼亟嶺總督官遣監軍中井範五

郎三雲示於小田原討之小田原藩私援之殺範五郎逐甚至是小田原畏縮刑首謀討殘黨以乞哀乃詔削其封江城日誌國史要○官軍進取長岡城先是水戶姦黨市川三左朝比奈彌太等率兵四百入越後與長岡村上諸藩扼長岡小千谷榎嶺妙見道榎嶺最險為長岡要路也官軍分兵為二一襲小千谷破之軍信濃河東一襲榎嶺妙見道拔之環攻長岡互有勝敗居十日賊大舉圍妙見道榎嶺絕河東援路官軍孤立參謀黑田了介山縣狂介撰河東精兵擣其

腹背而隊將三好軍太堀潛太竹田十左等率長門高田兵二百衆曉霧濟筑摩川直衝賊壘賊軍狼狽棄守走追擊殪數十人奪兵仗時薩兵三百餘自植下濟諸車踵進榎嶺妙見軍亦會鼓譟而進賊苦戰不支燔城擁城主牧野忠恭走官軍取長岡城尋忠恭授會津兩憲紀聞○詔再興豐臣太閤祠行在誌○置大阪府太政官○置鎮臺府於江戶職官表○六月賊將千阪基等議曰新發田首鼠兩端不及今討之恐貽禍乃會津仙臺米澤進兵薄新發田城下要曰藩王



出質於小澤出兵表信否則旗鼓相見藩主溝口某將出質農民聞之四聚撒槁搜道揭紙旂持竹槍填咽城下以沮之賊乃相議呼其老溝口內匠等出首謀者內匠携二人至而陋劣不類賊怒其詐遣歸逼出兵於是新發田始出兵數百人既而歸順○七月官軍拔平城先是拔棚倉城城主阿部正耆走須賀川陷泉城城兵走湯長谷城海陸尾擊拔之賊皆萃平城設關城外積土豚築砲臺以戍之參謀河田佐久馬部勒諸軍以薄之柳川兵奮鬪破關薩兵拔外

郭夾槁他擊柳川兵百五十人緣槁架拔前槁賊右翼槁上平亦前賊兵披靡入城嬰守官軍砲擊甚力日暮退營城外夜半賊火城東走官軍取平城御近傍尋攻富岡陷二本松城城主丹羽長國走米澤續史編○賊陷長岡城官軍擊復之初征會總督仁和寺宮純仁西園寺公望壬生基修進抵越後時官軍施長岡扼要害分兵援新發田欲破賊塞直向會津乃部署所向將待明日戰長岡將河合繼助俱之率死士五百人放火薄城城兵聞砲聲以為我兵進擊



之隔而聲漸近細作忽報急諸軍吶喊而起砲銃連  
擊却之既而會津將佐川官兵等襲官軍背放火衆  
之與繼助犄角官軍衆皆欲却兵為後圖參謀山縣  
狂介曰奴輩狃勝稍懈可一舉取也乃昧爽衆大霧  
偵賊營賊皆偃臥直入揮刀刺擊殪數十人賊兵驚  
潰衆勢縱火四方逼長岡城砲聲震天地賊軍大敗  
棄守走官軍遂復長岡捕市民通賊者斬徇軍門先  
是慈性及覺王院等拔仙臺故賊軍益猖獗伊達慶  
邦遣其臣志茂又左等於秋田曰逐九條以下三鄉

及衛士否則旗鼓相見參謀大山格之介怒其無禮  
捕又左等十人斬徇軍門仙臺南部庄內出兵來擊  
諸將防戰甚苦賊遂薄城下秋田殆陷既而薩土佐  
賀嶋原平戶官軍來援討南部庄內復其侵地中村  
三春等皆歸順時官軍航海者抵松崎進拔新發田  
連陷水原新瀉勢大張近世史畧○詔改江戶曰東京○  
八月置東京府江城誌○詔褫尹官尊融官位配於安  
藝初德川慶喜之東也尊融竊通聲息於關東至是  
發覺有此命時慶喜在水戶舊臣將奪去慶喜恐有

變奏請從居駿府

續國史  
畧後編

○榎本鐮二郎松平太郎

荒井郁之助等帥開陽回天蟠龍神速千代田長鯨  
感臨三日保八艦脫品川而入仙臺其感臨三日保  
途遇颶風沈沒初朝廷收德川軍艦也鐮二郎等哀  
訴乃收其富士山等四艦特賜其餘鐮二郎等在品  
川潛與賊通謀約見機相援至是留書朝廷而去朝  
廷怒其書辭悖慢擬海盜令天下禁與糧食告各國  
公使勿與之接

江城日誌續  
國史畧後編

○官軍在白川及二本

松分兵拔赤谷石間二關進軍詠訪嶺會津水戶長

岡等諸賊以見兵五千餘沮會津川相持時參謀伊  
地知正治板垣退助等議曰會津根蒂也如仙米枝  
葉也先絕根蒂則枝葉隨落且若松城早雪距今三  
十日五寒不得輒進機不可失也即分兵當仙米而  
率薩長土大垣大村兵向會津登方成嶺賊自嶺上  
俯擊官軍連發巨砲奮鬪走之又別破石筵二枚檣  
而夾擊之廣野又破之賊兵衝圍而走官軍追擊至  
瀧澤又擊破之容保在瀧澤收兵入城官軍尾擊直  
薄城下拔外郭進衝城北門賊能拒守乃轉圍南門

賊將入江摠助等數十人揮槍突出官軍辟易長將  
高須梅三郎勸衆曰安藤市藏等伎倆吾能知之未  
足畏也摠助等殲官軍而死蓋市藏嘗與高須同學  
槍於志賀氏而為會津槍師也是日賊將田中土佐  
神保內藏介屠腹死內藤可隱上田為閑刺妻子而  
死其他母妹妻孥或至佛刹自刃或在家伏刃而死  
既而紀尾藝肥前宇津宮大田原兵皆會城下夜半  
賊來襲官軍苦戰卻之其後屢來夜來襲官軍頗苦  
先是松平定敬竹中春山板倉勝靜小笠原長行等

在會津至是春山走米澤定敬投仙臺勝靜長行忠

恭等前後赴走官軍取小田山而砲擊城中更築寨

於城東南隅巨砲連彈壓城兵賊將佐川官兵帥死

士千餘來衝之官軍擊卻之續國史略後編田城私記○九月官

軍拔大內關山長驅至飯寺城中糧道絕佐川官兵

聞警吶喊防擊官軍潰走時越後官軍陷車嶺野澤

拔船戶而進賊兵皆棄守入城而大鳥圭介走仙臺

投榎本軍史略○二十三日以天皇誕辰詔天下停

刑戮賜酺群下曰尔來以是日為天長節令海內祝

嘉辰尋改元明治詔曰自今以往一世一元以為永

式

太政官  
日誌

○二十三日保科容保及子喜德重臣萱

野長修梶原景武內藤信郎等降於軍門上謝罪書  
獻城及兵仗參謀等接見之先是參謀伊地知正治  
山縣狂介板垣退助等議曰縣軍深入敵地恐變或  
生不如一舉拔城乃部署所向諸軍齊逼城城兵嬰  
辟堅守一日發大砲千餘退助使人私說米澤米澤  
既降以為先鋒逼城城兵援絕勢屈既而手代木直  
右秋月悒次郎面縛米澤軍請降伏米人遞送之

土佐軍二人陳情乞哀參謀會議許之是日土佐率  
僞狂至城門城兵以其空手不銳之率徐入城勸降  
乃鈴木某河村某與率偕來土佐軍中前請參謀授  
旨刻日還之至是出降乃幽容保父子及家族於龍  
澤妙國寺尋城兵四千九百餘人皆降捕之於猪苗  
代佐川官兵等在城外者皆降捕之於監川後數日  
仙臺南部庄內皆降初官軍攻若松也以四疆險阻  
不能搬巨礮皆齎十二斤砲故舉天下兵環攻孤城  
費三十日云

江城日誌近世史  
畧續國史畧後編

○水戶姦黨市川三

左等率其黨數百人入水戶。弘道館正黨拒戰，不利。城殆陷，乃馳使報急。總督府即令近傍諸藩討之。茲黨大敗。三左彌太等挺身而走匿。下總水戶人捕而斬之。國史要○詔祀崇德天皇神靈於京師。初，天皇徙于讚岐，遂崩。至是奉迎焉。人政誌○築燈明臺於沿海各地方，以便航海。賊路。內覽○十月，天皇行幸東京，以西城為行宮。總督官熾仁奏東北鎮定奉還錦旗，節刀優詔慰勞，賜金將士有差。詔群臣議與羽北越降人措置。通世史略○賊搜本錄二郎大島圭介等

奪函館。批之先是，錄二郎等在石卷傭佛人三名使部下兵就之教閱，而東北已平，無所容身。會大島圭介等自會津來投，乃議使帥回天開陽神速蟠龍千代田長鯨六艦抵鷗木港。港距函館僅十里。秋田津輕松前大野小倉福山兵戍之。聞賊艦米寇棄守，入函館。賊乃上陸，分兵為二。土方歲三將一軍向嶺下官軍逆擊，卻之大島圭介將一軍援之。官軍敗，斂歲三等直入函館。略近傍，進襲大野，燒一本木有川。函館誌賊艦長鯨途遇颶，後諸艦棄兵捨艦入鷗木，無幾

大舉襲七重官軍逆擊破之。諏訪部信五憤怒揮刀，挺前大岡三好等踵進皆死，而官軍亦多死傷。賊遂取七重進拔。五稜郭時，函館府知事清水谷公考在五稜郭與從者數人走津輕。賊艦開陽回天神速蟠龍入函館港，奪官艦高尾而上陸。推永井尚志為函館奉行，告居留外國人裁決事務。通世史畧續編○十一月賊拔松前城，取江刺及館。先是賊艦蟠龍直逼松前官軍自列寨砲擊賊連發石榴彈破一寨，官軍砲擊中之，艦壞乃逃去。既而賊艦又入福島灣砲擊

陸地而主介藏三等將陸軍來薄松前城。城兵欲嬰城決戰，時城主松前德廣在江刺隊將安田拙造等知勢不可抗，徙德廣於他。鈴木織太田崎東等聞之大怒，往江刺殺拙造父子。關藩騷擾賊衆累入城中，城將田村量吉等縱火戰死。賊遂拔松前城，海陸並進薄江刺。德廣與其臣數十人走津輕。賊又取江刺，其夜風濤大起，賊艦開陽殆覆，乃倍蒸氣力轉遠洋以避暗礁，而風益烈掀翻而觸礁，進退維谷。回天神速欲援之而不得，迨居四日風勢少衰，鎌二郎等

擣兵器上陸十餘日而開陽神速皆破碎時歲三等  
逼館寨官軍闔門砲擊賊發銃應之伊奈誠一越智  
一朔俛從門垂下入啓扉衆吶喊突入官軍應戰隊  
伍頗亂彼此不辨有一人揮刀跳出呼曰吾正義隊  
長三上長順也直斫誠一橫田某提短銃來狙又斫  
之有二人自後刺長順斃之官軍潰走賊遂陷館寨  
長順松前法華寺僧也官軍聞其有武幹擢為隊長  
云西館日談國史學要續國史畧後編○詔召保科容保其子喜德伊  
達慶邦上杉齊憲等尋輪王寺官慈性自東與歸詔

幽之於西京

江城日誌

○十二月特詔減容保喜德慶邦

等二十三藩主死一等

幽之於各藩邸削慶邦齊憲

等封使同族襲後明年特詔賜陸奥斗南地三萬石

於保科容大以存其祀

史述畧

○詔分陸奥為磐城岩

代陸前陸中陸奧五國分出羽為羽前羽後以其地

避遠皇化難及故區畫經畧以見一視同仁之意云

輿地誌畧

○詔廢局外中立令朝廷新得甲錦艦初德川

氏購此艦是夏入橫濱米人自建旗章戍之至是獻

之其堅牢精緻稱本朝第一

史述畧

○天皇還幸京師



內外○榎本鎌二郎等介英佛船將上書朝廷請擁

德川血胤者開拓蝦夷以為本朝北門鎖鑰先是朝

廷聞函館之變命德川龜之助討之慶喜請自往不

允更命德川昭武征之至是見其書辭亡狀詔天下

征討之國史要○是歲始造紙幣○二年春正月近畿

關西諸侯入朝賀正太政官○刺客殺參與橫井平

四郎於退朝途後捕而誅之○詔禁警蹕喝道示虛

威日誌○二月置公議所徵諸藩士為議官議政事後

改曰集議院日誌○結條約於瑞典那威及西班牙

牙國內外一覽○詔撤諸道關門廢礮塔二刑尋許

發兌新聞誌○詔賜毛利元就豐榮神號創親王護

良祠於鎌倉親王宗良祠於井伊谷是為鎌倉宮井

伊谷宮宣下○三月置待詔院以開言路後徙之集

議院中公議所○天皇再幸東京以西城為皇居自

是駐蹕東京先是召公卿諸侯於東京至是會同詔

問政體採其公議尋各賜暇就國太政官○諸道兵

皆集乃詔討函館告外國公使在其港者避亂而海

陸進兵伏見親兵函館府兵及薩摩長門備前肥後



水戶津久留米福山弘前松前德山天野黑石陸軍  
凡六千五百人分日向函館海軍將品川四方一土  
方堅吉赤塚源六中牟田倉助岡啓三郎石川貞之  
悉山縣久太郎等衆甲鍊春日丁卯陽春等七艦先  
發入官古港賊等聞之議戰守分兵守五稜郭函館  
松前江刺福島室蘭等地以回天蟠龍千代田諸艦  
巡警函館港昧爽有一艦縱米國旗入官古港官艦  
以為米艦不設備稍遲忽揭日章發巨砲直衝甲鍊  
官軍驚遽墮點火於蒸氣罐不遑轉運發砲而賊兵

大塚浪次野村利三等衆間揮刀跳入四方堅吉  
等揮短槍斃之賊將甲賀源吾等倚甲板衆指揮從  
兵發巨砲摧甲鍊甲板官兵多傷官兵憤怒狙擊源  
吾殪之賊兵沮喪轉艦逃去官艦追之初賊荒井郁  
之助等率回天蟠龍高尾三艦向南部蟠龍為風濤  
所沮不及事高尾蒸氣關壞在官古近海不能進船  
將古川某等燒艦上陸而降森岡藩官艦之逐回天  
者見高尾無人火已發亦棄之而去近世史畧  
國史掌要○四月詔置民部官職官表官軍取江刺復松前城長陽

諸艦與甲鏢春日陽春丁卯同向江刺陸軍至乙部  
上陸直扼崖山要衝賊米寇官軍在高俯擊官艦亦  
橫擊之賊兵敗去阻土塲川而軍官艦轉攻江刺江  
刺土塲川賊駭顧走松前官軍進取江刺賊欲復之  
猶突而來剽悍善戰官軍不利來曉霧襲二股幾古  
內大鳥圭介等以兵數百逆戰砲彈雨注官軍又敗  
時仙臺亡命二關源二等五百人投賊軍賊勢頗振  
其在松前者聞幾古內二股之捷議大舉復江刺率  
兵至清部官艦春日自海濱橫擊與陸軍夾擊殲數

十人殘兵走江良尾擊破之賊卻批折戶寨狙擊官  
兵官兵數十死之時官軍向山道者遠出其背夾擊  
敗之而官艦已薄松前砲擊城及砲臺市街賊兵彈  
竭裝小彈於大砲以戰亦盡而官軍海陸蹙之遂復  
松前城賊卻保幾古內官軍襲取之又賊襲之亦以  
其難守棄之而去續國史  
畧後編○官軍攻二股破之賊鑿  
守屢出生兵而戰砲響振天連日勝敗不決防戰尤  
烈賊每銃千發銃熱不可復握設大桶盛冷水且浸  
且發踰寨衝突官兵却退監軍駒井正五郎望見之

怒率兵數十蹂躪之官兵反戰賊敗走正五郎遂殲  
於流彈此役兩軍死傷四百餘人

迎世史畧  
兩窓記聞

○攻矢

不來拔之是日官軍自兩道進大鳥圭介率兵五百

來戰官軍欲擊其左甄乃登路傍峻山賊豫築寨山

腹狙擊官兵兵多死之別軍亦敗既而甲錦春日

等五艦近岸橫擊官軍衆勢奮戰賊兵遂潰

函誌

○

五月官軍屯七重及大川其夜古屋作左以兵三百

乘風雨來襲暗黑不辨咫尺官軍狼狽相擊乃踏藉

而去是夜大川正三郎亦率兵數百來放火於營官

軍苦戰却之既而大鳥圭介帥兵八百侵七重官軍

豫伏兵以破之

蝦夷日記  
迎世史畧

○官軍大舉拔函館先是

甲錦春日長陽陽春丁卯五艦攻函館賊將荒井郁

之助松岡磐吉森本弘策以回天蟠龍千代田拒之

砲戰甚烈海水為溢賊知其不可抗欲藉辨天砲臺

應援即測其距離佯卻港心以誘官艦官艦逐之臺

彈果注官艦碎長陽甲板深傷其砲臺折舷官艦猛

進猶不止既而春日彈丸中蟠龍蒸氣罐甲鍊彈丸

殲臺兵數十日晡交綏明旦忽有一艦來觸甲鍊長

陽迎擊之不應進突甲鏢甲鏢惠宮古港之變避之而長陽橫擊之亦不應終過二艦之間而去二艦異之諦視則闐然無人機關皆壞前夜千代田苦戰迷漂辨天洋觸暗礁不能動森本弘策破機關碎火門而上陸鏢二郎等怒其勿卒黜弘策為水卒士官市川新太層腹謝罪至是潮田千代田泛然流來乃奪之又向函館賊艦蟠龍已傷獨以回天當之甲鏢發三百斤彈碎其機關賊乃徙之淺洲為浮臺以戰彈丸中春日殪官兵官艦乃退賊修蟠龍既而官軍以

春日陽春二艦擣函館背別以萬年艦及小舟送陸軍於寒川伏兵山中以甲鏢長陽丁卯三艦進擊函館賊艦蟠龍與浮臺砲臺相與拒之伏起夾擊賊兵敗走春日陽春與甲鏢諸艦連擊砲臺殆獲蟠龍而蟠龍發石榴彈中長陽砲庫黑烟飛揚響徹十里長陽忽沈諸艦急救溺敗兵乘間反戰官兵敗走七重蟠龍進砲擊七重甲鏢春日吶喊尾擊殆碎蟠龍蟠龍走入砲臺下投砲器壞機關縱火而上陸至是賊艦盡破壞官軍乘勢奮戰斬賊將土方歲二等遂拔

函館賊退保五稜郭千代岡辨天砲臺官艦逼五稜  
郭連發榴彈郭壘震裂賊兵多死監軍片山米右往  
辨天砲臺諭令出降永井玄蕃等至五稜郭議之既  
而臺兵皆降函館日記○官軍攻千代岡拔之初遣  
使千代岡諭以順逆不聽辱使者官軍怒分兵逼之  
賊善拒守隊長米嶋賴三率衆挺前丸中右股不顧  
而進搏澤某上山某森某等爭排關踰濠而入大鳥  
圭介龍川光太澁澤誠一等決死奮戰遂不支拚銳  
身走獨中島三郎率其二子登堤力戰官兵搏澤

挺身當之七離七合身受十數創流血淋漓遂殞三  
郎而搏澤亦死之官軍取千代岡遣使五稜郭曰今  
日之戰幸技千代岡將攻五稜郭然恐貴營動搖故  
先報知之若乏糧仗則多少給之齋藤辰吉答曰糧  
藥未盡礪刀在腰有待戰耳辱厚諭謝之轅門是夜  
賊築砦於城門外設地雷火以待官軍至先是榎本  
鎌二郎致書官軍請徙瘡痍者二百五十人於湯川  
官軍特許之迎世史畧○十八日榎本鎌二郎松平  
太郎荒井郁之地大鳥圭介等出降軍門永井玄蕃

松岡磐吉相馬主計等踵降前後降者凡千人先是  
參謀中山良三往五稜郭見鎌二郎諭以順逆鎌二  
郎曰不能奉命當相見轅門乃取萬國海律全書二  
冊附良三曰某嘗學兵於歐洲是錄其所見聞者也  
聊以酬君厚意苟有禱皇國死亦不朽既而參謀與  
書鎌二郎曰子愛惜天下寶書屬烏有特見寄贈感  
荷何已他日欲譯以公布天下勿以為念贈酒五樽  
以慰將士之勞鎌二郎置酒謂衆曰年少者前途遠  
矣宜歸順以全命也田村銀介年十五作色曰公侮

少年邪今日豈屈志乎鎌二郎欲屠腹大塚鶴之丞  
諫止之官兵田島敬藏至又說以順逆鎌二郎等議  
就刑以宥衆於是開郭出降尋室蘭兵亦來降押送  
之東京初鎌二郎等脫品川也與佛人三名偕北至

是捕之報之佛國公使公使罰三人押送本國

國史要續○詔誅會津以下各藩首謀者尋建招

魂社於九段阪上以正月三日五月十五日九月二

十三日祭戰死者蓋以伏見東台會津之役為三大

關鍵也史世○設傳信機自東京通橫濱以便報告

內外一覽○詔置彈正職官○六月詔賞丁卯戊辰以

來戰功仁和寺宮純仁有栖川宮熾仁九條道孝醍

醐忠順以下二十三家毛利慶親島津茂久以下九

十餘侯大村益二郎西鄉隆盛吉井幸輔以下百餘

人賜祿及金各有差尋置左右大臣大納言參議三

職分課為八局其餘改正官名蓋中古以還官有名

無實至是擬名定實云近世事情○詔廢徵士職官稱

表○先是薩長肥土四藩上奏奉還藩籍論不可私

有封土列藩亦倣之廷議廣詢於眾至是許之立府

藩縣三治一致之制以舊藩主充知藩事其歲入就

現石賜十分之一以為世祿遂廢公卿諸侯總為華

族近世史畧○秋七月詔廢從前百官並受領更定官制

置神祇官太政官民部省大藏省兵部省刑法省官

內省外務省釋正臺開拓使等設官位二十從四位

以上為勅任從六位以上為奏任正七位以下為判

任除東京京都大阪三府之外廢諸府為縣太政官誌職官

表○結條約於澳太利亞國條約書留○英國皇子來朝

○詔改蝦夷曰北海道區別為渡島後志石狩天鹽



址見膽振根室訓路日高十勝千嶋十一國與地畧○

詔錮松平定敬板倉勝靜小笠原長行竹中春山外內

其初定敬等在函館及官軍未北來外國艦去不詳

其所在至是出降函館誌○冬十月皇后行啓東京○

詔賜贈從一位平信長建敷社号官國幣社○十二

月追賞從二位德川光國唱尊王大義盡心於修史

功績贈從一位追賞蒲生君平高山正之節操賜子

孫三口米旌表里門太政官日誌○廢中下大夫以

下徒步足輕等稱改為士族卒廢祿高總以廩米給

之內○三年春正月定國旗並各部旗章提灯目

印尋定臨時行幸旗章興出雲大社以下二十九社

奉幣祭典留布告○原會津降人四千六百七十餘人

函館降人二十九人禁錮尋徙之青森其請歸籍農

商者許住都鄙國內外一覽續編○二月山口藩脫隊士

為亂藩知事奏討平之○三月米英蘭伊太利公使

來朝獨逸國公使請巡覽山陽南海西海諸港許之

留布告○秋七月詔謚大友帝曰弘文淡路廢帝曰淳

仁九條廢帝曰仲恭宣下○令海內曰宗佛二國相



戰我邦建局外中立之約勿援彼是布告○九月許

平民喝苗字○閏十月詔置工部省布告○廢諸大

夫侍以下位階禁以國名舊官名為通稱○十二月

收諸國寺社領地定除四親王之外諸親王皆自二

世賜姓列華族制○定海軍服制內外一覽太領新

律綱領本論○四年春正月刺客殺參議廣澤兵敗

於其邸朝廷悼其非命賞其勲功贈正三位賜金三

千圓內覽○二月詔薩長土三藩徵精練兵以為親

兵布告○大阪造幣寮成始以蒸氣機械製金銀幣

造幣規則○備英人以測量吐海道○三月定武官

朝拜禮式總用軍服○令海內人民以本月十一日

遙拜神武天皇以為永式布告○夏四月詔置鎮臺

於東山西海二道職官○許平民乘馬○定戶籍法

○遣欽差全權大臣伊達宗城於清國結條約條約

內外一覽○五月遣參議副島種臣於魯國議辦太疆界

○定親兵軍服軍帽制○六月除皇族外總禁用菊

章○定諸寺院祿制廢其執奏令地方官管轄之尋

廢僧侶位階布告○米國公使參朝內外一覽○布哩國

帝齋和親條約書來朝條約書留○秋七月詔黜福岡藩

知事黑田慶賢斬流參事以下四十餘人先是慶賢

帑藏空兵役多端以國用不支贗造楮幣以充其費

至是發覺有此命以有栖川親王熾仁為福岡藩知

事太政官日誌○詔廢從前諸官省新置太政官神

祇外務大藏兵部文部工部司法宮內八省開拓使

正院左右院廢諸藩為縣尋令諸縣為七十二後改

為六十縣職官表召舊藩知事自今住東京布告○八

月改官制等級太政官為本官諸省為分官寮司為

支官分官等為十五三等以上為勅任七等以上為

奏任八等以下為判任武官四等以上為勅任太政

大臣左右大臣參議三職列諸省長官上不設等官表

○定海陸軍律○定伶官職制○定船稅規則官表

必携規則全書○定鎮臺管地以東京大阪廣嶋白川青森

為本部其餘為分營後以愛知為本部職官表○收

諸縣及華士族寺院所轄北海道地總為開拓使所

管內外○廢職多非人等稱都為平民○令天下人

民散髮脫刀隨其意布告○冬十月佛米公使參朝

賜內謁見○右大臣岩倉具視為特命全權大使參

議本戶孝允大藏卿大久保利通工部大輔伊藤博

文外務少輔山口尚芳為特命全權副使遣歐洲諸

國布告留日新真事誌○佛國全權公使米國水師提督參朝

帝賜內謁見尋瑞典那威二國代任荷蘭公使參朝

○設傳信機自東京通長崎遂接續海底線通下林

國電信社以便報告尋自東京通青森內外○十一

月十七日大嘗十八日以豐明節會賜親王及百官

各國公使大輔大禮○廢普化宗及盲人官職布告

○十二月外山光輔愛宕通旭等謀不軌事覺賜自

盡○澳國辦理公使參朝呈國書內外○五年春二

月廢兵部省置陸軍省海軍省詔布地券於海內尋

正皇官地神地官廳地官用地官有地公有地私有

地除稅地名稱區別布告○獨逸國辦理公使參朝

呈國書內外○三月皇太后行啓東京○廢親兵置

近衛兵廢神祇省置教部省令式部寮執行祭事祀

典職官○廢庄屋年寄名主置區長戶長○置離宮

於赤阪○令開港場府縣廳揭國旗布告留內○夏

四月賜勅書於英米二國內外覽○天皇御龍驤艦幸

浦賀○五月天皇巡幸畿內山陽西海諸道巡御○

設師範學校於東京募生徒入學職官○六月皇后

行啓相摸溫泉○除北海道後志膽振以北海內一

般開郵使以便信書遞送規郵使○廢幌泉海關更置

二海關於室蘭厚岸尋設傳信機自札幌至函館接

續青森線內外覽○秋七月天皇與皇后共還幸布告

○定學制分海內為七大學區以東京愛知大阪廣

嶋長崎新潟宮城為本部學制○九月令海內人民遵

行遙拜伊勢兩宮祭典○定近衛兵服制內外覽○自

東京至橫濱鐵道落成天皇從百官及各國公使御

汽車幸橫濱蒸氣車規則○琉球國使來朝獻方物

天皇延見之尋冊琉球王尚泰為藩王擬一等官列

華族賜金幣二萬圓及邸第布告○置海關於江

刺港○冬十月魯國皇子參朝天皇同興幸陸軍操

練塲觀調練遂抵橫濱閱海軍操練日新真○禁賣

買人身解放娼妓藝妓布告○詔廢大陰曆頒行大

陽曆以十二月三日定明治六年一月一日以神武

天皇即位為紀元尋此日名紀元節留布告○定勅奏

判官及非役有位大禮服及上下一般通常禮服以

從前衣冠為祭服尋定皇族大禮服布告留○詔全

國募兵布徵兵令徵兵告諭書○六年一月廢人日上巳

端午七夕重陽五節以紀元節天長節為祝日布告書留

○設傳信機自後志小樽港至札幌接續函館線○

定僮婢馬車人力車乘馬遊船等諸稅規則全書○三月

詔許與外國人為婚姻布告留○外務卿副島種臣為

特命全權公使遣清國議臺灣朝鮮事○白露國全

權公使英使代理公使參朝呈國書○四月布哇國

全權公使來朝呈國書詔賜答書內外○天皇幸鎌

倉閣野營演習○改定海陸軍律○五月五日皇城

災天皇幸赤坂離宮為假皇居以馬場門內元教部

省為太政官代布告留頒改定律例上本書○七月定訴

答文例及訴答費用償却規則規則全書○改稱田畑總

為耕地以其地價百分之三為地稅布告全書○九月設

師範學校於大阪○十月參議司法卿江藤新平參

議後藤象二郎參議板垣退助參議外務卿副島種

實

臣罷留

布告

○十一月詔置內務省

職官

○十二月詔

置內閣顧門

職官

○令士族以下家祿賞典祿百石

未滿者欲奉還者許其請

布告新真事

○七年一月

置皇宮於青山稱青山御所皇太后徙御之

布告

刺客傷右大臣岩倉具視於食違後捕而誅之

布告

○置東京警視廳

職官

○二月江藤新平島義

勇等起兵佐賀討平之初新平以戊辰以來功勞朝

遇優渥官至卿相位昇四位極人臣之榮然以征韓

論不容辭職歸國時佐賀有二黨曰征韓曰憂國各

誘同志將舉事言內省出仕島義勇請暇稱鎮撫抵

佐賀與新平共煽動之遂劫豪戶取軍須具糧仗將

舉兵逼縣廳縣令岩村高俊告急於白河鎮臺臺兵

入佐賀城遠近駭然詔內務卿大久保利通大藏大

丞渡邊清等鎮之未至賊既攻佐賀城官軍苦戰却

之又來攻城遂陷陸軍少佐山川浩大尉大池奧等

死之詔伏見宮親王嘉彰為征西都督發東京大阪

廣嶋鎮臺兵討之從二位嶋津久光亦奏鎮舊治動

搖西下新平知勢不可抗而亡命獨朝倉尚武等猶

扼轟及水道等要害抗官軍官軍奮戰破之遂生擒

尚武是日降者千五百人官軍遂入佐賀城尋逮捕

新平於土佐斬新平義勇尚武及香川經五郎山中

一郎等十餘人梟首新平義勇事始平佐賀傳信錄  
日新真事誌

○設師範學校於愛知廣嶋長崎新潟宮城○設女

子師範學校於東京○四月自大阪至神戶鍊道落

成汽車發行留布告○詔航問罪師於臺灣初臺灣土

蕃等暴殺我琉球人漂泊者故有此命臺灣戰畧○五月

置蕃地事務局以參議大藏卿大隈重信為局長以

陸軍大輔西鄉從道為生蕃事務都督以有功明光

三國日新孟春諸軍艦擊臺灣臺灣土蕃分為十八

部落各有酋長其牡丹者猛惡強悍健捷如猿屢出

苦我兵我兵奮激焚其巢窟絕糧道牡丹等窮蹙遂

出降先是清國總理衙門寄書我外務卿畧曰貴國

與我結約以來二國互守信誼交際日久而親睦

益厚然近者聞貴國遣兵為討臺灣破泊軍艦於夏

門日使船夫習水戰大驚愕臺灣之地我東南一孤

島而風化未開然非謂蕃地非我版圖雖邊鄙之民



皆我版圖也。貴國征之，若果信則何豫？議我政府而不行之，且擅破泊兵艦於廈門，是何意也？伏請足下顧慮西鄉都督對之曰：臺灣生蕃殘酷無道，敢蔑視貴國政令，有年于此。然而彼等有我民漂流其海濱者，則剝其衣服，殺戮其人，至喫其肉，偶得免死，投貴國官廳，則貴國厚救供之。是我政府何幸過之？雖然我國民在苒為彼所殺戮，爭忍默視，故言蒙我政府命臨蕃地，欲議各酋長懲戒暴徒，遙泛船貴國海內，而無毫犯貴地，直上陸生蕃地矣。然恐民間或異說。

虛聞者曰：表意足下至是，福建都督又贈書答曰：臺灣全島我支那為所轄，既一百年也。然島民不知浴文明德化，或不守政府法令，亦在我管地，則我民也。且以萬國公法論，則人民諸物在其管地者，不論動物不動物，悉可從其國法也。又曰：一得新領，縱令新發見或攻取有領之理，則他各國爭得下手乎？又曰：各國皆有主宰其自國事務之權，假令有誤失自他各國無關之今臺灣者，我版圖也。有犯者於支那可裁斷之矣。如是下所說殺戮漂流民者，固於我支那法。



可如死刑是於我可獨決也然貴國忽違問罪師妄  
侵入彼島是破公法一科且可謂悖盟約一條及三  
條矣又如琉球漂民遇殺害命臺灣在留官吏可正  
其罪也何有煩足下乎又備州漂民到該島雖逢掠  
奪之難未到殺害之危是準盟約七條盜難例同命  
彼官吏可懲戒其蠻奴也今足下深謀貴國利則必  
廢棄此舉而可速束兵而去其否則禍且不測  
新說外○八月詔以內務卿大久保利通為辦理大  
臣遣清國先是令海內以會議召地方官以九月十

日為期以支那事起延其期  
日新真○十一月辦理  
大臣大久保利通歸朝先是利通在清國一旦講和  
全破將歸清國在留英國公使某調停之遂又和成  
互換憑單畧曰清國先輸撫卹銀十萬兩給我屬民  
被難者別輸銀四十萬兩以償我兵在蕃地修道建  
家之費我兵全退日清國全輸銀兩又曰如生蕃人  
則清國自設法而約束之永保無虞  
日新真期再使無危害  
之患  
日新真至是歸朝是日每戶揚國旗祝之

嘉安臣等列藩爭倡大義而具去就  
進退關天下理亂之運者惟長州為然  
而石邦相陰鄉贊是也故相陰於當時  
內外之故閱歷之者不鮮矣矧其因  
見之博且詳可知矣然則其私史之


編惟近事以宜不多費力也相隆慎  
重上莫所敢苟旁取博採系之諸家  
記載其用心甚勤多譬之人涉雪經  
之途見山川險易道里迂直歷乎  
諸之則固足免夫胡步之興亂趨也若

受考見地圖微其志而行焉又何有  
臨大澤阻之臺之遙哉故相陰之史余  
家於近事信其業初之得實而文  
辭之論也雖然近事之殊不  
易擇其緒則以日特長之而記述之

之或不可耶唯在讀者辨之矣

毛序於本書後快也今表不  
著處宜不贅錄而仍書于此者以崇之需耳固非為  
最尾者矣

照陽高見代識



版權免許

明治八年十二月十三日

著者

山口縣士族

石村貞一

東京第三大區一小區麹町  
平河町五丁目十四番地

大阪府平氏

出版人

梶田春

大阪府下榮一大區七小區  
上難波南町廿六番地